



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

5. Dies Aprilis. Attende quæ vides: crede quæ non vides.

urn:nbn:de:hbz:466:1-45477

5. DIES APRILIS.

Attende quæ vides; crede quæ non vides.

S. August. l. 50. hom. 32. c. 4.

Inconfi-
deratio.

I. **S**equitur alterum, quod prudentia repugnat, vitium. Inconsideratio, sive nulla rerum ad salutem spectantium attentio. Hinc tanta illa in plerisque hominibus intellectus cæcitas, & voluntatis perversitas, quia nec attendunt, quæ vident; nec credunt, quæ non vident. Plerique non ignorant, quid factum sit opus: sed præ affectus depravatione, intellectus excutit, id est, actu non exeritur lumen rationis: quod præsertim in rebus nostris solet contingere, obarendiorem affectum, a quo spissior, & tetricior fumus subvehitur, unde iudicii obcæcatio. Ut igitur totum animi Nilu ad æterna contendas, hæc pauca attende. In hac vita, positus es veluti in via ad patriam, in cursu ad metam, in palæstra ad præmium, in navi ad portum, in mundo ad experimentum, in carne ad tentationem. Iterum hæc attende, & expende. Primum elementum salutis est, rectè sentire: alterum sincere velle: tertium, perfectè exequi. Attende ergo cur vivas, & qua ratione velis vivere, non ut libet, sed ut liceat, & expedit. Age, ut vita tua sit non mendacium sine honore, sed artificium sine errore: cuius magistra sit veritas, disciplina sanctitas, fructus felicitas.

II. Rectè senties, fide docente, Ratione discente, sapientia æstinate, Prudentia consulente, scientia diligente. Ut scias, multa leges, plura audies, plurima

cons

considerabis. Paucis deest sciendi curiositas, plurimis intelligendi studiositas. Mirum orbe tam erudito, tam multos esse inscientes, & inertes. Nulla non die, nulla non in Typographi officina sudant præla, fervent operæ: sciendi nulla satietas, scribendi nullus finis, & tamen agendi non tantum parva, sed nulla est cura. Multa leguntur, sed lecta non seliguntur, vel selecta non attenduntur. Legere quæ scripta sunt, legentis ferè beneficium est: scribentis præmium est. Verùm cur tot inter scriptores tam rari actores, tot inter lectores, tam pauci imitatores? Quia quæ legunt, delibant oculis, non expendunt animis. Non consideramus considerata. Alia omnia cogitamus præter cogitanda. Cautè fecit natura, quod cerebro frontem obduxerit: nemo hominum est, quem non vehementer puderet cogitationum suarum, si in conspectum venirent: & singulæ velut in theatro personam suam sustinerent. Nemo profectò sit: licet sapientia Plato, & gravitate Cato, qui auderet cogitationes suas aperire, tam sunt futes, inanes, insipientes.

III. Quid non molitur phantasia? quid non designat? Nulla communior phantasiæ vanitas, quàm quod quisque velit esse faber fortunæ suæ. Quot machinæ? si manus ad exequendum tam essent promptæ, quàm promptus est animus ad excogitandum, tot ferè haberemus Cæsares, quot sunt homines. Stulta est phantasia eorum maximè, qui sibi sapientes videntur. Nunc arces, nunc muscas insipiens capit: modò in Chimæras, mox vertitur in hircocervos, ridiculâ cerebri momentis singulis penè per phantasmata Metamorphosi. Cogitationes,

R

cui

cui rei sese affligerint, ejus protinus formam assumunt, & cultum. Expende nunc quibus obvoluta tenebris, quotque laboribus exposita rerum, praesentim Dei naturalis investigatio. Quanta Gentiles con-
sultatione laborarunt, ut rationem assequerentur in maligna luce discurrentem. Quam rari eò sunt solae naturae lumine progressi, ut scientiae de Auctore naturae particulam aliquam attingerent. Plurima sunt sensuum ludibria, vana est multorum experientia, usu ipsò nonnulla creantur praesudicia, multa circumstant, quae fucum faciunt. Nos interim Appellatus nostros audimus ut Oracula: cum tamen nihil nobis suggerant nisi mendacia. Qui audit adulatores, quorum unum est studium placere hominibus, plurima falsa opus est credere: si qui passim audient blandientem sibi suum amorem, passim decipiuntur. Radix unde pullulat, omnis haec in rebus gravissima deceptio, est mentis inconsideratio. Nemo prope inter omnes, qui quid egerit, respicit, quid agat, aliquid, quid acturus sit, prospicit. Igitur audi male consulte egregium tibi consultorem.

Rem praecedentem videas, & cerne sequentem.

6. DIES APRILIS.

Levis est malitia; saepe mutatur non in melius; sed in aliud. *Seneca epist. 47.*

Inconstantia.

I. Inconstantia, quae est tertius ejusdem ordinis defectus, dedit castigationem à recto judicio semel suscepto, quod continuatum oportuerat, & alterius